



NAVOIY VILOYATI XATIRCHI TUMANI HOKIMI Q A R O R I

Xatirchi tumani, Mustaqillik ko'chasi 34 uy, e-mail: xatirchi@nv.uz

2022 - yil 26 - avgust

210-5-77-Q/22

Xatirchi tuman hokimligi

Навоий вилоят ҳокимининг 2022 йил 29 июлдаги “Маҳаллаларда саноат, ҳунармандчилик, касаначилик ва чорвачилик микромарказларини ташкил этиш чора-тадбирлари тўғрисида”ги 154-5-0-Q/22-сонли қарори ижросини таъминлаш ҳақида

Туманда амалга оширилаётган ислохотларни изчил давом эттириш, маҳаллаларда саноат, ҳунармандчилик, касаначилик ва чорвачилик фаолиятини амалга ошираётган фуқароларни ҳар томонлама кўллаб-қувватлаш, уларнинг фаолият юритиш шароитларини яхшилаш, авваламбор ишсизлик даражаси юқори бўлган маҳаллаларда замонавий ишлаб чиқариш қувватларининг ишга туширилишини жадаллаштириш ҳамда ушбу асосда доимий иш жойлари ташкил этилишини таъминлаш ва аҳоли даромадларини ошириш мақсадида,

ҚАРОР ҚИЛАМАН:

1. Навоий вилоят ҳокимининг 2022 йил 29 июлдаги “Маҳаллаларда саноат, ҳунармандчилик, касаначилик ва чорвачилик микромарказларини ташкил этиш чора-тадбирлари тўғрисида”ги 154-5-0-Q/22-сонли қарори ижро учун қабул қилинсин.

2. Навоий вилоят ҳокимининг мазкур қарори билан қуйидагилар:

Иқтисодий тараққиёт ва камбағалликни қисқартириш бўлими ҳамда Давлат активларини бошқариш агентлигининг маҳаллаларда юридик шахс мақомига эга саноат, ҳунармандчилик, касаначилик ва чорвачилик микромарказларини (кейинги ўринларда — микромарказлар) ташкил этиш тўғрисидаги таклифига розилик берилганлиги;

Маҳаллаларда саноат, ҳунармандчилик, касаначилик ва чорвачилик

йўналишларида ташкил этиладиган микромарказларнинг манзилли рўйхати ҳамда Маҳаллаларда саноат, хунармандчилик, касаначилик ва чорвачилик йўналишларидаги микромарказларни истиқболда ташкил этиш режа-графиги тасдиқланганлиги маълумот учун қабул қилинсин.

3. Туман ҳокимининг биринчи ўринбосари (Мухаммадиев), туман маҳаллабай ишлаш ва тадбиркорликни ривожлантириш бўлими (Баҳриддинов), кадастр агентлигининг туман бошлиғи (Садиев), хунармандчилик, касаначилик ва чорвачилик йўналишларида ташкил этиладиган микромарказларнинг тасдиқланган манзилли рўйхати асосида белгиланган тартибда кўрсатилган муддатларда микромарказларни ташкил этилишини таъминласин.

4. Туман ҳокимининг ўринбосарлари (Мухаммадиев, Фармонов), туман маҳаллабай ишлаш ва тадбиркорликни ривожлантириш бошқармаси (Баҳриддинов), кадастр агентлигининг туман бўлими (Садиев):

бир ой муддатда давлат мулки объектлари ва ер участкаларида ташкил этиладиган микромарказларнинг намунавий шаклини вилоят ҳокимлиги билан келишган ҳолда тасдиқланишини таъминласин;

манфаатдор давлат ташкилотлар билан биргаликда икки ой муддатда Вилоят ҳокимининг қарори 1-иловасидаги давлат мулки объектлари (Давлат активларини бошқариш агентлигига ўтказилган ҳолда) ва ер участкалари белгиланган тартибда электрон онлайн-аукционга чиқарилишини таъминласин;

манфаатдор давлат органлари ва ташкилотлар билан биргаликда доимий равишда микромарказларни зарур ташқи муҳандислик- коммуникация ва транспорт тармоқлари билан таъминлашга оид чора- тадбирларни амалга оширсин;

2022 йил 1 декабрга қадар вилоят ҳокимининг қарори 2-иловасига асосан микромарказларни истиқболда ташкил этиш учун бўш турган давлат мулки объектлари ва ер участкаларининг манзилли рўйхатини вилоят ҳокимлигининг иқтисодий тараққиёт ва камбағалликни қисқартириш бўлими ҳамда вилоят давлат активларини бошқариш агентлиги билан келишган ҳолда шакллантирсин.

5. Туман маҳаллабай ишлаш ва тадбиркорликни ривожлантириш

бошқармаси (Баҳриддинов) ҳамда маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман ҳокимларининг ёрдамчиларини фаол жалб қилган ҳолда:

доимий равишда микромарказларни ташкил этиш учун бўш турган давлат мулки объектлари ва ер участкаларини аниқлаб борсин ҳамда рўйхатини шакллантирсин;

2023 йил 1 апрелга қадар келгуси йиллар учун микромарказларни ташкил этиш режа-графикини вилоят ҳокимлигига киритилишини таъминласин.

6. Туман маҳаллабай ишлаш ва тадбиркорликни ривожлантириш бўлими (Баҳриддинов), туман ахборот ва оммавий коммуникациялар бўлими, "Хатирчи ҳаёти" газеталари таҳририяти давлат корхонаси, мазкур қарорнинг мазмун-моҳияти оммавий ахборот воситаларида кенг ёритилишини, шунингдек, аҳоли ва тадбиркорлик субъектларига етказилишини таъминласин.

7. Туман ҳокимининг ўринбосарлари (Мухаммадиев, Ризоқулов, Фармонов), туман маҳаллабай ишлаш ва тадбиркорликни ривожлантириш бошқармаси (Баҳриддинов), кадастр агентлигининг туман бўлими (Садиев), тегишлиги бўйича Навоий вилояти ҳокимининг қарорида белгиланган топшириқ ва вазифаларнинг тумандаги ижросини ўз вақтида (сифатли) амалга оширилишини таъминласин.

8. Мазкур қарорнинг ижросини назорат қилиш туман ҳокимининг биринчи ўринбосари И.Мухаммадиев зиммасига юклансин.

Туман ҳокими



С. Низамов